

Nolo Domine sine uulnere uiuere

Quia te hideo uulneratum.

*Bis tibi bisenas Christi meditanda per horas
Passio & in quartas nocte dieq; datur*

Prima Nocturna

*Discipulos uocat, ac epulis accumbere prima
Vesperis exortu bisenos imperat hora,
Surgitur à mensa, niuea tum sindone cinctus
Illorum ipse pedes dominus lauat, ipse magister*

Secunda

*Affidet hora iterum Christus, monitisq; secunda
Aethereis rursus mortalia pectora complet
Hinc se (mirus amor) peregrino tectus amictu
Pro dape conuiuis, se dat, pro nectaris haustu*

Tertia

*Tertia conceptum, Sathana instigante, nefandum
Ad facinus, ter sacrilegum dimittit Iudam
Diuinis tunc præceptis cœlestis amoris
Firmat apostolicas mentes & corda magister*

Quarta

Quarta

Quarta graues curas , & tedia mixta pauro
Hora refert , hac in faciem procumbit , & orat
Discipulos uisit , deiectos membra sopore
Increpat , heu quid si mecum Vigiletis ad horam

Quinta

It Quinta , rursusq; orat , rursusq; sopitos
Discipulos rediens offendit , & inde precanti
Angelus apparet , totus per membra cruento
Multa dolens , multunq; orans , sudore madescit

Sexta

Surgite iam , Sexta , nam Venit proditor (inquit ,)
Obuius & turbis quem quæritis ! En ego uobis
En ego sum , surgunt , Sinite hos , men' tradis amice ?
Comprehendunt , aurem Petrus , fugere Sodales

Septima

Septena Vinclis religantur colla manusq;
Tristis Ioannes procul hunc Petrusq; sequuntur .
Ducitur adque Annam , Petrus hinc negat , inde Sacerdos
Quæ doctrina rogat , colaphum fert mitis I E S V S .

Octaua

Octaua ad Caipham Vincit' deducitur hora
Quæritur hinc testis , iurat non noscere Petrus
Hinc urget Præsul , Christus tacet , inde fatetur
Se natum esse Deo , Iudex Blasphemia , Quid uos ?

Nona

Condemnant nona capitis , Vox Tertia Petri .
Post Galli cantus , Petrum conuersus I E S V S
Aspicit , ille foras egressus fleuit amare
Interea illudit miti turba impia Christo

Decima

At faciem palmis decima tunduntq; ministri
Consputantq; , tegunt uelamine , poplite flexo
Diuina nobis quis te percussit? aiunt ,
Atq; caput colaphis , certatim & membra fatigant

Vndecima

His , aliisq; probris transacta nocte nefandis

(Quomodo

(Quomodo peruigilem Vexarint dicere non est)

Cogitur undecima Seniorum concio , Christus
Astat & ipse lupos inter mitissimus agnus

Duodecima

Bisfexta an Christus sit , mandant dicere , vobis
Non credenda feram licet eloquar , inquit I E S V S ,
Nec mihi responsum dabitur , nec liber abibo ;
Extemplo uinctum turba in prætoriam ducit .

Prima Diurna .

Aspicit hunc præses prima tum quid reus , inquit ,
Hic ? reus est , sit nostra fides , prohibetq; tributa
Cæsarea , & primum galilæa è gente profectus
Peruertit populos , de stipite pendet Iudas .

Secunda

Altera ad Herodem pergit , gauisus at ille ,
Multa rogat cupide , illudunt responsa neganti ,
Eijciunt ; tentat sæpe hunc seruare Pilatus ,
Sit rex nec ne rogat , negat hic existere regnum

Tertia

Tertia flagra refert , spinas coccumq; rubentem ,
Et cannam atq; alapas , & fictos regis honores ,
Ecce homo Prator ait , crucifigito turba reclamatione ,
Namq; Deum patrem iactat , Barabamq; relaxa .

Quarta

Extimuit Prætor quarta , & dimittere tentat ,
Cæsaris est illi , non es , si linquis , amicus ,
En regem uestrum Rex nobis Cæsar habetur
Vnicus ; illorum arbitrio sic tradit I E S V M .

Quinta

Eductus quinta Prætoris in atria , rursus
Luditur , exiiturg; , crucemq; in golgota portat ,
Adiuuat & Simon pietas comitatur euntem
Feminea , it medius latrones inter I E S V S .

Sexta

Vt uenere locum sexta dant fellea uina ,
Post fessum titulo insignis crux excipit orat ,
His ignosce pater ; sorti datur integra uestis

Suspense

Suspensio illudunt, tenebris sol occupat orbem

Septima

Septima blasphemio tribuenda est hora latroni,
Atq; pio, quem mors paradisi in gaudia duxit,
Stant circum Mariæ, & Christi sanctissima mater,
Discipulus matri, mater committitur illi.

Octava

Octava queritur magna se uoce relictum,
Exclamat, sitio, madefacta offertur aceto
Spongia, quam longa protendit arundine miles,
Et consummatum est, gustato dixit aceto.

Nona

Nona animam patris manibus commendat, & efflat.
Hic uelum scissum est, & petrae, terraq; mota est,
Esse Deo natum agnoscunt, & pectora tundunt,
At noti interea longè hæc spectacula cernuat.

Decima

Pendentum decima franguntur crura latronum,
Crura intacta sinunt, quod mortuus esset, I E S V,
Sed latere effosso sanguis profluxit & unda
Poscenti corpus Domini dat Prætor Ioseph.

Undecima

Hic uenit undecima, unguentis uenit alter onustus,
Et cruce de rigida pallentia membra refigunt,
Quæ complexa parens lacrimis, Mariæq; rigabant,
Atq; uncta inuoluunt uelis, efferre parantes.

Duodecima

Inde nouo extrema tumulo committitur hora
Isq; alienus erat petraq; excisus in horto,
Hunc Mariæ contra obseruant, & balsama quærent,
Vincturæ ut redeant uenerabile corpus I E S V.

C R V C I F I X O L A V S .